

鄒平縣志

1631

道光十六年續修

鄒平縣志

官庫藏板

鄒平縣志原序一

濟南之鄒平在古爲鄒侯國漢稱今名有伏生勝傳  
尙書秦火之餘名傳後世而宋范文正公仲淹嘗讀  
書縣之黌堂嶺書堂在焉邑多文人予按部至謁伏  
生祠墓與諸生講學望長白山雲氣來接賦詩樂之  
徵縣志文字多磨滅不辨縣令徐君聖齊彬彬文學  
君子也以扶墜補闕爲已任請從事修輯是時比部  
張舉之請告家居藏書多善本博采勤蒐進士馬宛  
斯討核詳實而吳門顧亭人自上谷來悉授以校之  
書遂成三君之言曰志者一邑之掌故貴事核而言

鄒平縣志

原序

簡核取其徵簡取其嚴非若世之文集家乘遊山記  
可矜竒而務博納交而貢諛也君子以爲然故徵文  
考獻網羅遠近放失而向所附會及詞不雅馴者皆  
辨正芟去其載在編者皆可信而可觀也六郡惟濟  
南登州二志燬余旣從史成登州志而濟南缺焉以  
爲憾苟得賢有司及士大夫踵而成之是可以爲法  
焉舊志四卷刻於嘉靖十二年今更定之凡八卷順  
治己亥督學使者宣城施閏章叙



鄒平縣志原序二

覽馬宛斯先生繹史卷一百六十而知鄒平邑志當成於其手宛斯邑之名家也其時又以學使施尙白爲之序乃蒐嘉靖十二年舊本凡四卷更爲八卷噫亦云善矣今纔週甲子其間政治得失丁戶繁簡風俗醇疵科目斷續文藝刪存已大有不同若姑以云待卽再閱六十年而故老無人遺文散失後之視今亦猶守嘉靖舊本云爾是司土者之責吾鄉程君霽江保障茲邑不減太邱毅然已任以爲鄒平建置遠不具論自前明以及我代爲濟南屬土田平衍得沙

鄒平縣志

原序

二

河白條溝泉流之沃潤民稱不貧又有長白黃山諸峯紆紉磅礴人生其地亦頗不佻士敦實行尙氣誼官中朝者皆嶽嶽懷方多所建白余按學青州兩過於此北望鬱葱烟樹迷離曰是漢伏生當祖龍焚書之後年九十餘以腹記口授尙書故墟也過黌堂嶺下冉冉雲光拂我衣帶曰是宋范文正公下帷處也且諫輒焚草者若而人清可飲水者若而人志堅泉石節矢柏舟者若而人豈非土厚風淳物產靈異與前賢焜耀輝映者乎莫爲之前雖美弗彰莫爲之後雖盛弗傳若江蓋懼墮前美而輟其後也於是補輯

精嚴而稍稍益其志於八卷之外請序於予予嘉其  
克紹前令徐君聖齊又徵邑紳士成劉諸公復校於  
馬子瑜諸人瑜則宛斯先生令嗣也可謂踵事增華  
於今爲烈已惟予文采殊遠遜尙白而勉爲掇其句  
於端康熙丙子督學使者山陽劉謙吉撰

鄒平縣志

原序

鄒平縣志原序三

國有史邑有志古已志也者非以侈陳景物實以宏  
獎人倫誇多鬪靡無取也予治嶧山左眺二東之山  
水披六郡之成書星分女虛地控海嶽洋洋大國炳  
載藝林我

朝自一統志告成輿圖版籍一覽大觀而濟南屬邑之  
鄒平志始修於徐君今程君重修之補闕拾遺遠蒐  
近采條理井然足婉信史予嘗東望長白醴泉舊刹  
掩映於烟雲飄忽中其文正公讀書舊蹟乎且弔荒  
祠瞻墓木伏生至今存可也鄒邑古文獻地得以傳

鄒平縣志

原序

四

之不朽者程君之力居多雖然誌者志也心之所之  
謂之志一道德以同風俗所以定民之志而不在方  
輿紀事紀言紀人之末也是不能不厚望於宰茲土  
者是爲序康熙丙子山東鹽法道銀城李興祖題

鄒平縣志原序四

古先王肇置封建列爵分土凡載版圖悉歸聲教故  
邾莒屬居屏藩滕薛亦備附庸自漢唐分裂郡縣而  
星羅碁布雖黑子彈丸輶軒所至並足備太史之採  
風所以國有史邑有乘其關係均至重也鄒平爲古  
鄒侯國其間星野川嶽方域城池一賦役官師人  
物以及風土文章忠孝節義傳聞之散軼時事之災  
祥莫不賴有淹雅鴻博之士出而詳其記載宏其纂  
集以備掌故垂爲一代之書然斯於司牧者實與有  
責焉余於戊辰春奉

鄒平縣志

原序

五

命承乏茲土甫下車巡視城垣因陟麗譙眺山川之形  
勝觀人民之繁萃卽以疆域井里溝洫畝畝之大畧  
詢之吏人而吏人蒙然張口如墮雲霧余爰取舊志  
披覽見其支離附會疑信相參齟齬各半蓋此志乃  
前令徐君修於己亥歲迄今閱四十年所矣其中官  
職有代替人物有興謝時會遞變因革不侔不獨田  
隴移畛屋樹易主卽清河潁灤滄蕩遷徙均失其故  
道刻舟膠柱聳見互舛余於是深爲慨惜欲重加訂  
証以資考徵緣簿書鞅掌猝猝無暇晷致曠此志者  
八載比歲黍稷時登雀鼠日簡迺請邑之紳士有聞

望者相與參訂而校讐之去疑以存信芟繁以就簡復按馬苑斯先生舊志遺稿用宏潤色適其令嗣子握手示一冊爲志補遺時余小阮復至自邗江是亦能夙擅著作之林者刻意丹青益相考核爰編輯以類序之分爲八卷於是文獻燦然稱大備焉是集也二三子修飾討論而余特纂定以集其成非敢自負爲董狐之筆也然輶軒問俗太史採風持斯編以往亦不能無小補云康熙乙亥知鄒平縣事天都程素期撰

鄒平縣志原序五

鄒平李大全西園以志藁相質自稱采訪者十有  
年付邑拔貢成啟沈舉人成瓘攷纂拔貢王方珮  
人王方瑚進士李景嵩輩校勘成書案志圖與古不  
合者以今日驗得之說與衆殊者以徧徵古書得之  
爲之注爲攷八表五志四首以總紀提其綱以古名  
舉大畧證長白山有肅然名以濟潔見經典沿討上  
游謂潔已輟流其小清爲古濟瀆大清則潔渠今受  
濟水者語爲闕通宋人謂濟瀆湮者不知河流徙移  
其水自在潔亦此例也鄒平故地大割附它邑漢鄒

鄒平縣志

原序

七

平之潔今涸地入齊東今求得漢故縣在孫家鎮又  
於魏王城求得赫胥氏陵證爲東朝陽城確在齊東  
舊屬鄒平尤爲誠篤好古之徵不粉飾故蹟

天子表章師儒允臣工請立伏氏博士邑人士彌識  
所矜嚮其山川之槃鬱風俗之忠厚田土賦役兵防  
驛遞之成灋與夫先正政蹟鄉先生懿行流風及匹  
夫匹婦之志節可傳者誠宜蒐輯論定視已成事有  
所興起語云君子愛人小人易使不於斯志重有賴  
歟辛酉秋余奉

命典試大令與分校信其不愧儒吏比視學車過鄒

平相見益親人樂道其賢今修志成所屬能知人於  
舊志從馬宛斯之意能定取舍所補僅百年事而於  
古多訂正又非官重眎其民民安其政固無暇及其  
是可爲伏生鄉人喜者也嘉慶八年歲在癸亥夏六  
月

文淵閣直閣事內閣學士兼禮部侍郎提督山東學  
政西江劉鳳誥撰

鄒平縣志

原序

續修鄒平縣志序

志以傳信貴於紀實蓋志與史並重無取乎揚厲侈陳而泛爲摭拾焉

今上道光拾陸年歲在丙申季夏之初余奉

簡命來宰梁鄒下車伊始接見邑孝廉成肅中先生聆其言論丰采心竊欽之旣而攜所纂邑乘副本面請修輯余應曰此當務之急而守土者之責不容辭也因於公餘翻閱全帙見夫疆界星土里社爲一書戶丁田賦鹽法爲一書城池學校官署爲一書而且建置山水古蹟有必記封

鄒平縣志

序

一

建職官選舉馳封有必記至於忠烈孝義儒林文苑良臣以及烈女流寓藝文雜說莫不條分縷晰原原本本殫見洽聞茂矣美矣煥乎鉅觀豈但漢伏生夫子之傳經鼂錯而功在名教宋范文正公之下帷黌堂而學裕賢輔足以輝煌典冊照耀耳目爲億萬載人口膾炙哉志藁出成君手余加芟潤捐廉百餘金以襄其美嗣復商之兩學博暨同城寅好涓吉興工用付剞劂經三月而藏事茲舉也成君克倡厥始兩學博暨同城寅好克贊厥中而余則克成厥終者也

工既膚敏器實精良穀旦告竣僉曰都哉爰珥  
筆叙其原委弁諸簡端紀寔也卽以傳信也謂  
足備異日輶軒採入

國史焉可也

持授文林郎湖南桂陽直隸州臨武縣庚申科舉人  
知鄒平縣事書田羅宗瀛撰

鄒平縣志

序

修鄒平縣志姓氏

明嘉靖十二年修輯

鄒平縣知縣武進舉人葉林 包菴

鄒縣知縣邑貢生張松 元喬

國朝順治十六年修輯

鄒平縣知縣太倉舉人徐政 聖齊

崑山布衣顧炎武 寧人又名備又名絳又字亭林

刑部郎中邑廕生張萬選

靈壁縣知縣邑進士馬驥 宛斯

康熙三十四年修輯

鄒平縣志

姓氏

鄒平縣知縣繁昌歲貢程素期 奎沙 霽江

繁昌歲貢程之芳 借山

繁昌生員程之荃 梅峯

歙縣監生程麟德 蔚窰

鄒平縣教諭臨清謝逢辰 浹庵

鄒平縣訓導諸城王沛悌

太原府同知邑進士成晉徵 昭其

河南道御史邑進士馬光 幼實

程鄉縣知縣邑進士劉廣聰 穎士

嘉慶八年修輯

總修

鄒平縣知縣

李林 西圃

鄒平縣知縣 翰林院庶吉士

董 叔珊

鄒平縣教諭

程 西

鄒平縣訓導

王同之 音菴

鄒平縣把總

竇雲龍 蒼雨

鄒平縣典史

程廷昶 雲飛

鄒平閭縣紳耆承修

道光十六年修刊

鄒平縣志

姓氏

總修

鄒平縣知縣羅宗瀛湖南桂陽直隸州臨武縣庚申

恩科舉人

同修

鄒平縣教諭周培烈青州府博興縣戊辰 恩科舉

人

鄒平縣訓導周懋坦萊州府濰縣丙子科舉人

鄒平縣典楊際春山西靈石縣監生

鄒平汛把總李承業濟南府歷城縣武生

鄒平閭縣紳耆承修

例言

鄒平志作於明嘉靖十有一年乃葉君林所修原四卷

國朝順治十六年徐君政重修是時馬宛斯先生爲之討論顧亭林先生爲之校編施尙白先生爲之序卷分爲八目三十有二首著弁言節加跋語山川景勝各系以詩其例甚善康熙乙亥程君素期重編盡變前法不合體裁而又不錄葉序踈矣今新志仍倣古式

鄒平自漢以來事有見於國史關乎大體者宜特

鄒平縣志

例言

筆書之廼倣古人大事記之例另爲總紀一卷冠諸編首

建置攷乃事關政體者舊志兼入園亭墳墓而養濟院附於學宮後又后妃列選舉攷中皆失體例茲謹爲別出事以類紀也

梁鄒鄒平古今沿革漢唐城址黃河濟漯水道與伏子墓見於史志者多有可據舊志采輯未備間有摭拾又往往失攷新志據廿一史水經注元和郡縣圖志寰宇記詳爲訂正各述原委鄭簡菴新城舊事以詳確爲主漁洋先生亟取之今亦竊比

此意

山川古蹟必詳攷載籍驗以足跡所經方有確見胡淵明禹貢雖指最爲精鑿然一鄉一邑胡氏豈能遍歷如梁鄒故城濟漯水道或有不盡確者又如于氏齊乘王氏長白山錄闕氏尙書古文疏證等書皆一代人文號稱博洽而其中亦每失攷新志所駁正非敢唐突前輩第據古人之書証以目見之形勢不容附會以終沒其實故耳

陸欽山東通志於山川古蹟有前人詩賦記文者皆分隸其下沿革廢興之詳及前人游覽題咏之

## 鄒平縣志

### 例言

二

迹可以一覽而得甚合體裁程君鄒平志詩詞叙記並彙入藝文攷中旣乘古法復令覽者難於翻閱今仍倣陸氏通志之例

表所以通紀傳之窮歷代中皆用之舊志職官選舉俱上下兩行廬列其名殊非古體今依史例各爲表

李南澗歷城志凡例云近代志傳不稱名而稱公此誌狀之辭非史體也非唯文不淳古且使讀者數行後不知稱謂何人羅存齋志其郡一例稱名獨於父汝楫始稱公明武林徐氏嘗力辨稱君稱

公之非體今亦倣之以存史例

歷城志又云史傳前列祖父後列子孫一可附見家世一可事少者省別爲傳此例甚善今從之温公作資治通鑑先倩友人排比諸書紀錄之言粘幅二文許温公乃據之以加筆削古之爲紀傳者當盡如是茲於宦蹟邑賢兩攷謹倣排比之例各成傳畧以俟後之能筆削如温公者

程志藝文攷所載詩詞畧古人而多入時咏茲撿前人名作就其原集中擇咏鄒平景物者分載各門此外凡舊志所存而稍近於雅者亦不敢刪去

### 鄒平縣志

#### 例言

三

至時賢吟咏其人現存者例不錄

歷代金石諸志俱載碑目碑式史家藝文經籍諸攷惟詳姓氏篇目皆不錄其全書茲於鄒平金石著作自漢唐迄

國朝乾隆六十年考人代誌名式詳篇卷錄叙文從史例也嘉慶元年以後者留待後人補輯

舊志雜志載樂儀祭器存古之禮樂亦邑志所應有者新志於秩祀分附各壇廟下使將事者有可攷據

邑志有八景始於田汝成西湖志近時最爲濫觴